



USAID
ԱՄԵՐԻԿԱՅԻ ԺՈՂՈՎՈՐԻՑ

World Vision
ՀԱՅԱՍՏԱՆ



ՍՈՆ ԱԲՁԱՅԻՆ ՊԼԱՏՖՈՐՄ
ԱՌՆԱՊ
ARNAP
DRR NATIONAL PLATFORM

**«ՀԱՍԱՆԵԼԻ ՀԱՄԱՅՆՔԱՅԻՆ ՍՈՑԻԱԼԱԿԱՆ ԾԱՌԱՅՈՒԹՅՈՒՆՆԵՐ» (CLASS)
ԾՐԱԳԻՐ**

«Կանայք, խաղաղություն, անվտանգություն» բաղադրիչ

ՏԵՆՆԻԿԱԿԱՆ ԱՌԱՋԱԴՐԱՆՔ

**«Արտակարգ իրավիճակների հետևանքով տեղահանված/տարահանված բնակչության՝ համայնքների կողմից ընդունելու ընթացակարգերի մշակման»
փորձագետի**

ԾՐԱԳՐԻ ՀԱՄԱՌՈՏ ԲՆՈՒԹԱԳԻՐ

ԱՄՆ միջազգային զարգացման գործակալությունը, Վորլդ Վիժն Հայաստան կազմակերպությունը, Մանկական զարգացման հիմնադրամը, Կանանց աջակցման կենտրոնը և Ադետների ռիսկի նվազեցման ազգային պլատֆորմ (ԱՌՆԱՊ) հիմնադրամը «Հասանելի համայնքային սոցիալական ծառայություններ» ծրագրի միջոցով աջակցում են Հայաստանում սոցիալական պաշտպանության և բռնության կանխարգելման համայնքաին համակարգի բարելավմանը, առավել խոցելի, այդ թվում՝ պատերազմից տուժած երեխաների և ընտանիքների կյանքի բարելավմանը:

Վերոնշյալ ծրագիրը մեկնարկել է դեռևս 2017թ-ին, իսկ ԱՌՆԱՊ հիմնադրամը ծրագրի գործընկեր է դարձել այս տարի:

«Կանայք, խաղաղություն, անվտանգություն» բաղադրիչի ներքո՝ ԱՌՆԱՊ հիմնադրամը իրականացնելու է մի շարք գործողություններ, որոնք նպատակաուղղված են համայնքների դիմակայունության բարձրացմանը: Դրանք են.

1. Հնարավոր արտակարգ իրավիճակների (ռազմական կոնֆլիկտի, երկրաշարժի այլ վտանգի հետևանքով առաջացած) ժամանակ տեղահանված և/կամ տարահանված բնակչությանը ընդունող համայնքի կողմից ձեռնարկվող, անհրաժեշտ գործողությունների (այդ թվում՝ սոցիալական ծառայությունների տրամադրմանն ուղղված) ընթացակարգերի մշակումը:
2. Մշակված ընթացակարգերը թիրախ 9 խոշորացված համայնքի ադետների ռիսկի կառավարման (ԱՌԿ) պլաններում ինտեգրելը: ԱՌԿ պլանի մշակումը շահառու այն համայնքների համար, որոնք չունեն համայնքային մակարդակում ԱՌԿ պլան:
3. Ընթացակարգերի կիրառման նպատակով վերապատրաստման դասընթացների իրականացումը՝ ներգրավելով համայնքային ծառայողներին (այդ թվում սոցիալական աշխատողներ), ՏԻՄ-երին և շահագրգիռ այլ կառույցների ներկայացուցիչներին (այդ թվում տարածքային սոցիալական ծառայություններ):

4. «Աղետներին պատրաստվածության բարձրացում» թեմայով դասընթացների իրականացումը թիրախ համայնքներում՝ երեխաների, դեռահասների և մեծահասակների ներգրավմամբ:

Հիմք ընդունելով և ընդհանրական ուսումնասիրելով (իրականացվել է սույն ծրագրի գործընկերներ կառույցների կողմից) 2020թ-ի արցախյան երկրորդ պատերազմի հետևանքով ստեղծված իրավիճակը՝ բացահայտվել և ընդգծվել են մի շարք խնդիրներ տեղահանված անձանց տարբեր բնակավայրում ընդունման, կարիքների գնահատման, սոցիալական անհրաժեշտ ծառայությունների տրամադրման, հումանիտար օգնության ընդունման, բաշխման և համակարգման հետ կապված: Գրանցվել են նաև բռնության, անհանդուրժողականության դեպքեր տեղացի բնակչության կողմից՝ հիմնված տեղահանվածների գործողությունների և/կամ նրանց նկատմամբ առավել ուշադրության վրա: Ընդունող համայնքները պատրաստ չեն եղել ստեղծված իրավիճակին արձագանքելու, գործնականում նաև չեն գնահատել իրենց ներուժը տեղահանվածներին ընդունելու տեսանկյունից (ինչքան մարդ կարող են ընդունել, ինչ ռեսուրսներ ունեն նրանց կենսապահովման խնդիրը լուծելու համար, ինչպես տեղաբաշխել տեղահանվածներին և այլն): Բացահայտվել են նաև մի շարք այլ խնդիրներ (օրենսդրական բացեր, տեղահանվածների մասին տվյալների մեկ միասնական բազայի բացակայություն, տվյալների պաշտպանության կամ տրամադրման խնդիրներ, անհատների և մասնավոր կազմակերպությունների կողմից հումանիտար ծրագրերի համակարգման հարթակի բացակայություն և այլն), որոնց լուծումը ենթադրում է ավելի բարձր մակարդակներում աշխատանք:

Հաշվի առնելով վերոնշյալ փաստերը՝ անհրաժեշտություն է առաջացել մշակել տարատեսակ արտակարգ իրավիճակների հետևանքով «տեղահանված/տարհանված անձանց ընդունելու ստանդարտ գործողությունների ընթացակարգեր» ընդունող համայնքի համար, ինչպես նաև այդ նպատակով համայնքի կարիքների գնահատման գործիքակազմ: Մշակված ընթացակարգերը, որպես հավելված, պետք է ինտեգրվեն ՀՀ արտակարգ իրավիճակների նախարարի կողմից 2019թ-ի դեկտեմբերի 30-ի N 1460 հրամանով հաստատված Համայնքի աղետների ռիսկի կառավարման պլանի օրինակելի ձևաչափում:

Ներկայացված աշխատանքն իրականացնելու համար ԱՌՆԱՊ հիմնադրամը կարիք ունի համապատասխան փորձագետի, որի աշխատանքի մասնամասները ներկայացված են ստորև:

ԱՇԽԱՏԱՆՔԻ ՇՐՋԱՆԱԿԸ

Փորձագետն աշխատելու է ԱՌՆԱՊ հիմնադրամի տնօրենի անմիջական վերահսկողության ներքո, սույն ծրագրի պատասխանատուի համակարգման ներքո, համայնքի աղետների ռիսկի կառավարման պլանը մշակող և գեներային հարցերով փորձագետների հետ համատեղ:

Փորձագետի աշխատանքից ակնկալվող արդյունքներն են.

1. Մշակված է հնարավոր արտակարգ իրավիճակների (ԱԻ) հետևանքով (հաշվի առնելով ԱԻ բնույթը և դրա պատճառահետևանքային առանձնահատկությունները) ՀՀ-ից և Արցախից տեղահանված/տարհանված բնակչությանը ընդունելու՝ համայնքի կարողությունների բացահայտելու և կարիքների գնահատելու (այդ թվում՝ սոցիալական ծառայություններ տրամադրելու տեսանկյունից) ձևաչափ/մեթոդաբանություն/ուղեցույց:

2. Մշակված է հնարավոր արտակարգ իրավիճակների (ԱԻ) հետևանքով (հաշվի առնելով ԱԻ բնույթը և դրա պատճառահետևանքային առանձնահատկությունները) ՀՀ-ից և Արցախից տեղահանված/տարհանված բնակչությանը այլ համայնքների կողմից ընդունելու ընթացակարգերը, որոնց իրականացումն ապահովում են տեղահանվածների/տարհանվածների արժանապատիվ կացությունը, ԱԻ-ների ժամանակ ընդունված անհրաժեշտ նվազագույն կենսաապահովման պայմանները, անվտանգությունը, կրթության շարունակականության ապահովումը, առողջության պահպանման իրավունքը՝ հաշվի առնելով սեռատարիքային առանձնահատկությունները:

3. Մշակված փաստաթղթերը պետք է լինեն օրինակելի, որը ենթադրում է, որ ցանկացած ՏԻՄ կարող է դրանք կիրառել իր համայնքում:

4. Թիրախ 9 խոշարացված համայնքում գնահատված են հնարավոր արտակարգ իրավիճակների (ԱԻ) հետևանքով ՀՀ այլ բնակավայրերից և Արցախից տեղահանված/տարհանված բնակչությանն ընդունելու կարողությունները և կարիքները (այդ թվում՝ սոցիալական ծառայություններ տրամադրելու տեսանկյունից): Գործընթացի արդյունքները և դրանց բարելավման ուղղությամբ առաջարկվող լուծումները ներառված են համայնքի ԱՌԿ պլանում:

Հարուկ նշում. Փորձագետի աշխատանքային պարտականությունների մեջ է մտնում նաև ԱՌԿ պլանը մշակող փորձագետի հետ համատեղ մշակման ողջ գործընթացին մասնակցելը, այդ թվում՝ ԱՌԿ պլանների վերջնականացումը: Աշխատանքները կատարված և ավարտված են համարվում ԱՌԿ պլանների վերջնական տարբերակները ԱՌՆԱՊ հիմնադրամին տրամադրելուց և Հիմնադրամի կողմից դրանք ընդունելուց հետո:

ԱՇԽԱՏԱՆՔԻ ՏԵՎՈՂՈՒԹՅՈՒՆԸ:

Մեկնարկ – հուլիսի 25, 2022թ.

ԱՇԽԱՏԱՎԱՅՐ:

Հիմնական աշխատավայրը Երևանն է: Ծրագրի բնույթից և գործողություններից ելնելով՝ անհրաժեշտություն կլինի աշխատանքային այցերով լինել թիրախային համայնքներում և բնակավայրերում:

ՊԱՅՄԱՆԱԳՐԻ ՏԵՍԱԿ:

Ծառայությունների վճարովի մատուցում

ՎԱՐՁԱՏՐՈՒԹՅԱՆ ՉԱՓԸ ԵՎ ՎՃԱՐՄԱՆ ՊԱՐԲԵՐԱԿԱՆՈՒԹՅՈՒՆԸ, ԿԱՐԳԸ

Վարձատրության չափը պայմանագրային է, իսկ վճարման պարբերականությունը և կարգը սահմանվում է ԱՌՆԱՊ հիմնադրամի և փորձագետի միջև կնքվող պայմանագրով՝ փոխադարձ համաձայնությամբ:

ԿՐԹՈՒԹՅՈՒՆ:

Բարձագույն կրթություն՝ կառավարման, ճգնաժամային կառավարման, աղետների ռիսկի նվազեցման, սոցիալական կամ հումանիտար հարակից այլ մասնագիտացումներով:

ԱՇԽԱՏԱՆՔԱՅԻՆ ՀՄՏՈՒԹՅՈՒՆՆԵՐ ԵՎ ՓՈՐՁ:

- Փաստաթղթեր, ուղեցույցներ, ընթացակարգեր մշակելու հմտություն և առնվազն 3 տարվա աշխատանքային փորձ:
- Սոցիալական ոլորտի լավ իմացություն:
- Աղետների ռիսկի կառավարման ոլորտի իմացություն, առնչություն, ոլորտային ծրագրերում ընդգրկվածություն:
- Ուսումնասիրություններ իրականացնելու փորձ, խնդիրների վերհանման կարողություն, առաջնահերթությունները դասակարգելու հմտություն:
- Համայնքային մակարդակում իրականացված աշխատանքներ:
- Համակարգչային գիտելիքներ (MS Word, Excel, PowerPoint, Internet և այլն):
- Թիմում աշխատելու կարողություն և ցանկություն:
- Վերլուծական կարողություններ:
- Հաղորդակցության հմտություններ:
- Աշխատանքների պլանավորման հմտություններ:
- Պարտաճանաչություն:

ԼԵՂՈՒՆԵՐԻ ԻՄԱՑՈՒԹՅՈՒՆ:

- Հայերենի գերազանց իմացություն (գրավոր և բանավոր):
- Անգլերենի և ռուսերենի իմացությունը դիտվելու է որպես առավելություն: